

MI FAGHET DIE...

Mi faghet die custu bisu de ìere
cantende sos brùfulos a s'abbrèschidu,
puru si soe mudu a reconnoscher
s'agunìa de s'anzone iscannadu,
sa pena de su cane randazu,
de su coro perdidu in sa notte.

Mannu Deus de sa vida,
iscadena un'abba digna 'e ammentu
chi samunet sa Terra d'ogni culpa,
pro chi fioren cras sos fizos suos
che lizos innidos.

Mi faghet die custu notte 'e ilgerru
sena serrare oju,
cun sas abes brullende in su casiddu,
puru si soe mudu a reconnoscher
chi s'istranzu prima de b'intrare
si devet frobbìre su piantu.

Mannu Deus de sa vida,
como su fulmine in manos tuas
rispondet a su tichìrriu meu:
iscadena una tempesta luchente
pro chi su sole 'e austu torret a nois
prus craru et puru.

RAGGIORNA...

*Raggiorna il mio sogno al vedere / i passeri dell'alba cinguettanti, / anche se
son muto a riconoscere / l'agonia dell'agnello scannato, / la pena del cane
randagio, / del tuo cuore perduta nella notte. / O grande Dio della Vita, /
scatena una tempesta memorabile / che lavi la Terra d'ogni colpa, / perché
fioriscano domani i suoi figli / come candidi gigli. / Raggiorna questa notte
invernale / trascorsa nell'insonnia, / con le api che scherzano nell'arnia, /
anche se son muto a riconoscere / che lo straniero prima di accedervi / deve
asciugarsi il pianto. / O grande Dio della Vita, / ora il fulmine della tua mano
/ risponde al mio grido: / scatena una tempesta di luce / perché il sole d'agosto
torni a noi / più luminoso e puro.*